

«ԱԶԱՏԱՍԻՐԱԿԱՆ ԳԱՎԱՓԱՐՆԵՐԸ ՀԱՅ ՀՐԱՊԱՐԱԿԱՆՈՍՈՒԹՅԱՆ ՄԵՋ (1820—1920 թթ.)», Տեխտը պատրաստեցին, առաջաբանը և ծանոթագրությունները գրեցին Ալմաստ Զաֆարյանը, Կարբի Հովհաննիսյանը, ՀՄՄՀ ԳԱ հրատարակչություն, Երևան, 1982, 595 էջ:

Իր տեսակի մեջ եզակի այս աշխատությունն ընթերցողին է ներկայացնում հայ հրապարակախոսական մտքի մեկդարյա պատմության այն հիշարժան էջերը, որոնք արժարժում են մեր ժողովրդի ազատասիրական ձգտումները և ազատագրական ոգորումները:

Ժողովածուն բացվում է ծավալուն մի առաջաբանով, որի հեղինակները նյութի անբասիր իմացությամբ ստեղծել են քննվող ժամանակաշրջանի հայ հրապարակախոսության պատմության ուրույն տեսությունը: XIX դ. բուռն իրադարձությունների բովում ձևավորված հայ ազատասիրական մտքի գաղափարական ակունքները հեղինակներն ամենայն իրավամբ կապում են նախորդ դարերի հայկական ազատագրական շարժումների և ազատասիրական մտքի ավանդույթների հետ: Ինչ վերաբերում է XIX դ. հայ հասարակական մտքի բնորոշ կողմերին, ապա այդ ժամանակաշրջանի առանձնահատկությունը բնութագրվում է «...Անդրկովկասի ժողովուրդների ազատասիրական ընդհանուր կողմնորոշումով դեպի Ռուսաստան» (էջ 6):

Առաջաբանի հեղինակներն առանձնակի ուշադրություն են նվիրում քննվող ժամանակաշրջանի հրապարակախոսական հոգիվածների արտահայտչական հարստության և դրանց դեմոկրատական նպատակալացության հարցերին: Այսպես, հանգամանորեն վերլուծելով իշխանությունների «ազատասիրական հավատամքը», նրանք հանգում են այն հետևության, որ «Արժվյանի ստեղծագործության, կյանքի և գործունեության հայտնի և անհայտ բոլոր խորհուրդները միջուկում գործում է այս հավատամքը» (էջ 7): XIX դ. 60-ական թվականների ժամանակաշրջանը բնութագրվում է հայ հեղափոխական-դեմոկրատական հոսանքի գործունեությամբ՝ հանձինս Միքայել Նալբանդյանի և նրա հայ դիմակիցների: Հեղինակները վեր են հանում նալբանդյանի դերը՝ հայության երկու հատվածների մերձեցման, արևմտահայ իրականության մեջ հեղափոխական-դեմոկրատական հոսանքի ստեղծման և դրա գործունեության աշխուժացման, առհասարակ հայ ազգի ազատագրության ու նրա միասնության գաղափարի արժարժան գործում: Խոսելով ստեղծագործության թանձրացման, թե՛ արևելահայ, թե՛ արևմտահայ գործիչների, հրապարակախոսների, գրողների ստեղծագործության առաջադիմական-ազատագրական ուղղվածության հարցի մասին, հեղինակներն ընդգծում են. «...հայ հասարակական մտքի առաջավոր բոլոր ներկայացուցիչները, այս կամ այն սահմանափակությամբ հանդերձ, առաջադիմության, ազատության հարցերը առաջադրում-լուծում էին համամարդկային շահանքներով, հարադատ ժողովրդի ճակատագրի ամենածանր պահերին անգամ շնահանջելով համամարդկայնության բարձր դիրքերից» (էջ 15): Այս առումով հետաքրքրական են հայ հրապարակախոսական մտքի ազատասիրական վերելքի նոր շրջանի, 70-ական թվականների բնութագրումները՝ կապված 1877—1878 թթ. ռուս-թուրքական պատերազմի հետ: Ամբողջական և խորն է 1894—1896 թթ. հայկական կոտորածների ժամանակաշրջանի և հայ հրապարակախոսների գործունեության բնութագրերը: Առաջաբանի հեղինակները պատմական փաստերի հիման վրա նշում են եվրոպական դիվանագիտության անփառունակ դերը Հայկական հարցի ձախողման գործում, ինչպես և վեր հանում հայ ժողովրդի ճակատագրի նկատմամբ եվրոպական և ռուս առաջավոր գործիչների համերաշխության բազմապիսի փաստեր:

Առանձնապես ինքնատիպ է 1905 թ. ռուսական առաջին հեղափոխության հետ հայ մտավորականության ունեցած առնչությունների վերլուծությունը: Հեղինակները քննելով ժամանակի հարկականության և հրապարակախոսական մտքի արժեքները՝ ընդհանրացնող հետևյալ միտքն են հայտնում. «Բարձրարժեք ստեղծագործություններով, հասարակական-լրագրական գործունեությամբ ստեղծվել-չլուսվել է հեղափոխության ազատասիրական մի տարեգրություն, առանց որի անհնար է գծագրել XX դ. առաջին տասնամյակների հայ հասարակական մտքի ու գրականության»:

դիմապատկերը, ապրած տրամադրությունների վերելքը և ապա նահանջը, որոշ դեպքերում հուսախաբությունը հնգադարձության պարտությունից հետո՝ պատճառահետևանքային բարդ հանգուցներով» (էջ 34)։ Ա. Զաքարյանը և Գ. Հովհաննիսյանն այնուհետև ներկայացնում են հայ լուրենիկյան հրապարակախոսության ստեղծման, հայկական մեծ եղեռնին նվիրված հրապարակախոսության հարուստ էջերը, և իբրև ամփոփում ու հանրագումար՝ հայ դեմոկրատական հրապարակախոսության անցած ճանապարհի, վեր են հանում Հայաստանում սովետական կարգերի հաստատման պատմական նշանակությունը, որով իրականանում էին ուխտական պետականություն ստեղծելու և խաղաղ կյանքով ապրելու հայ ժողովրդի և նրա մտավորականության դարավոր իդեալը։

Գրախոսվող ժողովածուն ունի ծանոթագրությունների բաժին, որտեղ հեղինակները հարուստ տեղեկություններ են հաղորդում տպագրվող հոդվածների վերաբերյալ, Այդ բաժնում ներքին գեոեղել են նաև առանձին արժեքավոր մեջբերումներ, որոնք է՛լ ավելի են ամրադրացնում ներկայացվող հատվածների մտքերն ու հետևությունները։ Որինակ՝ Արվիտյանի հոդվածից բերված քաղվածքը (էջ 529—530), կինչի «Արմենիա» գրքից բերված հատվածները (էջ 533—534), Ժան Ժորեսի մտքերը հայկական կոտորածների մասին (էջ 535), Անատոլ Ֆրանսի ձառը (էջ 541—542), Վ. Թեքեյանի նամակը Լոզանի կոնֆերանսի մասին (էջ 552) և այլն։

Մեզատախրական գաղափարները հայ հրապարակախոսության մեջ՝ ժողովածուում զետեղված հոդվածները թե՛ ժանրային և թե՛ թեմատիկ առումով լայն սահմաններ են ընդգրկում։ Եվ դա հասկանալի է, Հայտնի է, որ XIX դ. մեր ժողովրդի նոր պատմության այն կարևորագույն ժամանակաշրջանն է, որի սկիզբը կապվում է Արեւելյան Հայաստանի ազատագրման և Ռուսաստանի հետ միասնությունը քաղաքական բախտորոշ իրադարձության հետ։ Դրան հաջորդում են հայ լուսավորական շարժման հետ կապված հասարակական-քաղաքական մտքի վարժումը, ազգային-ազատագրական պայքարի գաղափարախոսության զարգացումը, հայկական կոտորածների հետ կապված անցքերը։ Պատմական այդ ժամանակաշրջանն աչքի է ընկնում նաև հայ մարքսիստական հրապարակախոսության սկզբնավորումով, մի բան, որ մեծ դեր է կատարում հայ հեղափոխական գործիչների նոր սերնդի դաստիարակության և Հայաստանում սովետական կարգերի հաստատման գործում։ Այս պարագաներում, իհարկե, ժողովածուի համար ընտրված բոլոր նյութերը չէ, որ կարող էին պատասխանել ռեդարյունը՝ հրապարակախոսական ծնունդի պահանջներին։ Դրանց ոգին և նպատակամղումը, սակայն, կապվում են հեղինակների ապրած դարաշրջանի կենսական հարցերի, պատմական ծանրակշիռ իրադարձությունների հետ և անպայման հրապարակախոսական մեծ լիքը են պարունակում իրենց մեջ։ Այսպես, շեռչիկը հայրենեաց հայուց՝ գրքի Օւկ Հայկակ՝ առաջաբանում ժամանակի սերնդին ուղղված Ալիշանի խոսքը կենդանի կոչ է՝ հայրենի երկրի փառքը բազմապատկելու ուղղությամբ և իբրև այդպիսին՝ հրապարակախոսական խոսքի անկրկնելի օրինակ։ Ստեփանոս Նազարյանի «Նամականից» քաղված օրինակները նոր են դրվում շրջանառության մեջ և շատ կարևոր են՝ նազարյանի աշխարհայացքի բացահայտման առումով։ Նրա հրապարակախոսական հոդվածներում, թերևս գրաքննական նկատումներով, այդպիսի հստակությամբ, ինչպես հիշյալ նամականերում, չեն արտահայտվել նազարյանի հայացքները արևմտահայության ազատագրման մասին։ Բայց ահա բերված հատվածներից երևում է մեծ լուսավորչի մտահոգությունը 1877—1878 թթ. ռուս-թուրքական պատերազմի ավարտից հետո արևմտահայության ճակատագրի նկատմամբ, մեծ կշիռ են ստանում եվրոպական դիմադրողականը նրա տված զնահատականը և որ ամենազլխավորն է՝ մեր ժողովրդի ազատագրման գործում զինված պայքարի անհրաժեշտության մասին նրա հայտնած մտքերը։

Ժողովածուն կազմելու սկզբունքների հարցում մեր միակ դիտողությունն այն է թերևս, որ որոշ հատվածներ ներկայացված են այնքան կրճատված, որ դրանց տպագրությունն անիմաստ է դարձել։ Բարեբախտաբար, նման հատվածների թիվը փոքր է (էջ 77, 103, 107)։ Կան նաև, դարձյալ թվով քիչ, որոշ ոչ նպատակաւաց էջեր, որոնք կարելի էր չլքեռել ժողովածուում։ Կարծում ենք լավ կլինի, եթե ծանոթագրությունների բաժնում շատ հակիրճ ցույց տրվեր համապատասխան հոդվածի (ակնարկի, նամակի) գրության կոնկրետ շարժառիթը։

Մեզատախրական գաղափարները հայ հրապարակախոսության մեջ՝ ժողովածուն հստակ պատկերացում է տալիս քննության ենթակա ժամանակաշրջանի բախտորոշ էտալներում հայ ժողովրդի հրապարակախոսական մտքի ազատախրական ուղղվածության մասին։ Այն մեկ անգամ ևս ապացուցում է, որ հայ հրապարակախոսությունն անվերապահորեն առաջադիմական էր,

ազատասիրական, սերտորեն շաղկապված ժամանակի ուսական հեղափոխական շարժումների և դրանց զազափարախոսության հետ: Թե՛ արևելահայ, թե՛ արևմտահայ գործիչների հոգվածներին ընդված օրինակներն ամբողջապես հաստատում են զրթի հեղինակների կուտ ու հիմնավոր մի շարք հետևություններ, այդ թվում և այն, որ Վինչպես բոլոր ժողովուրդների, այնպես էլ հայոց գրականությունը ու հրապարակախոսությունը մշտապես եղել են հարազատ ժողովրդի արժանապատվության շահանիշը» (էջ 13): Եվ իսկապես, մեր այսօրվա և ապագայի սերունդները կարող են հպարտանալ հայ խոշոր գործիչների և մտածողների հայրենասիրական ոգեշունչ հոգվածներով, որոնց հետ, միմյանց հարևանությամբ, նորից ժանոթանալու պատահությունն են ստեղծում գրականագետներ Ա. Զաքարյանը և Գ. Հովհաննիսյանը:

ՄԱՐԳՈ ՄԷԹԱՐՅԱՆ

Բանասիրական գիտությունների բեկեածու